

26. januar 2015

Inatsisartut suleriaasianni § 37 naapertorlugu matumuuna Naalakkersuisunut imaattumik apeqquteqaateqarpunga:

**Apeqqut:**

- 1. Naalakkersuisut pisortat pigisaanik errorsisarfeqalernissamut iliuseqarniarpat?**
- 2. Iliuseqarnianngippata qanoq eqqiluisaarnikkut atukkat aaqqiivigineqarnissaanut pilersaaruteqarpat?**

- 1. Agter Naalakkersuisut at tage initiativ til at opføre offentligt ejede vaskerier?**
- 2. Hvis de ikke agter at tage initiativ til det, hvilke planer har Naalakkesuisut for at løse problemet med sanitære forhold?**

(Inatsisartuni ilaasortaq Suka K.Frederiksen, Siumut)

**Tunggavilersuut:**

Illoqarfiit innuttamikkut ikiliartorfiusut suliassatigullu annikiliartortumik suliassaqarfiusut A/S INI-mit errorsisarfinnik ingerlatsiviunikut akilersinnaanginneri patsisigalugit nungulluinnalerput.

Ilisimaneqarpoq suli amerlasuut angerlarsimaffimmini errorsisarfeqanngitsut, anisitat aningaasarsiornikkullu ajornartorsiortut errorsiveqarnissamik periarfissaqartinneqanngillat ilaatigullumi suli kuuinnartunik imeqanngillat.

Innuttaasunut tamanut errorsisinnaanissaq periarfissaasariaqarpoq pisinnaatitaaffiusariaqarlunilu soorluttaaq taamaatut nakorsaqaarneq, kigutilerisoqaarneq, atuarneq, naalagiarsinnaaneq, timersorsinnaaneq periarfissaasoq pisinnaatitaaffiusorlu.

Eqqiluisaarneq peqqinnissamut pingaaruteqartuuvoq assersuutigalugu oqorutit, allarutit, atisat sulissutit, il.il. kissassuseq eqqortoq atorlugu erroneqarnissaat pingaaruteqarpoq, nappaatillu assigiinngitsut akiornissaanut ipeqanngitsuunissaq eqqiluisaarnissarlu pisariaqarpoq.

Nanortalimmi Narsamilu sulilu illoqarfinni allani errorsisarfeqanngillat A/S INI errorsisarfeqarneq akilersinnaatinngimmassuk takorlooruminaappoq namminersortunit ingerlanneqalersinnaassasoq, taamaattorli errorsisarfeqarneq nappaatinut pinaveersaartitsisuummata sulilu inuppassuit pisariaqartimmassuk iliuseqarfineqarnissaat kissaatigalugu apeqquteqaateqarpunga.